



Պ Ա Տ Մ Ա - Բ Ա Ն Ա Ս Ի Ր Ա Կ Ա Ն

ՎԱՀԱՆ ՎԱՐԴԱՊԵՏ ԳԱԼԱՄԴԱՐՅԱՆ

(Առաջնորդական փոխանորդ
Արարատյան քեմի)

ԷՋԵՐ ՍՈՒՐԲ ԷՋՄԻԱՇՆԻ ՏՊԱՐԱՆԻ ՊԱՏՄՈՒԹՅՈՒՆԻՑ*

1858 թվականի մայիսին Ներսես Ե Աշտարակեցուն հաջորդում է Մատթեոս արքեպիսկոպոս Չուխաճյանը, Կոստանդնուպոլսի նախկին պատրիարքը:

Մատթեոս կաթողիկոսը, որպես զարգացած և ուսումնասիր հոգևորական, ցանկացել է Մայր Աթոռի տպարանը բարեկարգել: Նրա օրով այնքան էլ բարեկարգ վիճակում չէր տպարանը: Նույնիսկ Հայրապետի երկասիրությունները տպագրվում էին զանազան քաղաքների տպարաններում, օրինակ «Ներածություն աստուածաբանական տեղեաց» աշխատությունը 1863 թվականին Շուշում, «Դիտողություն ճշմարտության Սուրբ Աւետարանի ճիսուսի Քրիստոսի» 1863 թվականին Տիֆլիսում, «Ուղեցույց Քրիստոնեական ուղղափառ վարդապետության» 1861 թվականին Մոսկվայում և այլ աշխատություններ:

Նրա օրով Մայր Աթոռի տպարանից լույս է տեսնում 10 անուն գիրք:


Գրասեր Հայրապետը Մայր Աթոռի տպարանը իր պատշաճ բարձրության վրա դնելու համար 1864 թվականի փետրվար 24

թվակիր կոնդակով Տ. Արիստակես վարդապետին նշանակում է վերատեսուչ. «...Եւ քանզի նախկին վերատեսուչ տպարանի մեծի Պատրիարքական Աթոռոյս Կաթողիկէ Սրբոյ էջմիածնի, զորս և կարգեցաք ի պաշտման յաջմիկ, ակն ունելով օր ըստ օրէ լաւութեանցն ոչ երբեք փոյթ կալան զյառաջդիմութենէն և ոչ ինչ բնաւ շահեցաւ օգտեցաւ Մայր Աթոռս յընթացս գործաւորութեանց նոցա, բայց միայն վնաս մեծ, զոր կրեն, և օր քան զօր անշքութեամբ տիրէր ի վերայ, և յառաջդիմութեան յոյժ խանգարումն»³⁵:

«Ուստի առ ի բարութիւն և յառաջնոյն դեղեցիկ և լաւ ի յառաջդիմութեամբ պահպանել կարգի, կոնդակաւ այսու հայրապետական կարգեմք հաստատեմք զհոգեծին օրդիդ իմ վերատեսուչ ի վերայ տպարանի մեծի Գահիս՝ տալով քեզ բացարձակ իրաւունս յամենայն կառավարութիւնս գործոց նորա, և զցուցակ ամենատեսակ իրեղինացն առ ի անկորուստ պահպանութիւն նոցա, ընդ սմին և զժապաւինեալն առ գրել ի նմա

* Եարունակված «էջմիածին» ամսագրի 1958 թվականի Մ Մ է-ից և Բ-ից:

35 Հայկական ՍՍՌ Պետական մատենադարան, Կաթողիկոսական գիվան, թղթապանակ 198, վավերագիր 19:



1861 թվականի ՇԱՐԱԿԱՆԻ ՏԻՏՂՈՍԱԹԵՐԹԸ

զմուտս և զծախս, այլ և յորդորեմք զձեզ հայրապետական սիրով, զի զամենայն փոյթ ի մէջ առեալ ջան ի գործ դնիշիք ի յառաջագիմովին, ի շքեղութեամբ և ի մաքրութեամբ ունել զայն և զինչ ինչ կարևորութեանք ի պէտս տպարանին յառաջ եկեսցեն, և նա անշուշտ պէտս ունի նոցա, յայտարարութեամբ ընդ առանձին ցուցակի դիմեսցիք յԱտեան մեր խնդրելով զկատարումն...»³⁶:

Շնորհիվ Մատթեոս Ա-ի ձեռք առած միջոցառումներին, Մայր Աթոռի տպարանի վիճակը մասամբ բարելավվում է:

Հանգուցյալ գիտնական Գարեգին Լևոնյանը չի չափազանցում, երբ գրում է. «Մատթեոս Ա-ի կաթողիկոսության տարիներում (1858—1865) տպարանի գործունեության մեջ նկատվում է համեմատական առաջադիմություն հրատարակած գրքերի թե՛ քանակի և թե՛ տպագրական որակի կողմից: Այդ յոթնամյա ժամանակամիջոցում լույս տեսած գրքերի թիվը հասնում է 10-ի, որոնց մեջ ուշագրություն արժանի են՝ Շարականը (1861)՝ ութածալ, 774 էջերով, խաղավոր-

36 Նույն տեղում:

ված, մաքուր տպագրությամբ, սպիտակ ընտիր թղթի վրա և կաշեկազմ: Ապա ժամականագրությունը (1862), Ներսես Շնորհալու Թողթ ընդհանրականը (1865), մնացածը այլ կրոնական գրքեր»³⁷:

Մատթեոս Ա-ի օրով Ս. Էջմիածնի տպարանը լույս է ընծայում նաև կաթողիկոսի՝ «Մեկնութիւն խորհրդոյ...» 1863 թվականին, «Առաջնորդ լուսաշաւիղ ճանապարհին յափտեանական կենաց...» 1864 թվականին, և Վանանդեցու աշխատությունները:

Մայր Աթոռի տպարանը իր հրատարակչական բարձրագույն դիրքին է հասնում Գևորգ Դ-ի օրով, որը հաջորդում է Մատթեոս Ա-ին 1866 թվականին:

Գարեգին Լևոնյանը իր «Հայ գիրքը և տպագրության արվեստը» աշխատության 216-րդ էջում Գևորգ Դ-ի օրով Մայր Աթոռի տպարանի գործունեության մասին գրում է. «Էջմիածնի տպարանը աննախընթաց բարձրության է հասնում Գևորգ Դ կաթողիկոսի գահակալության տարիներում (1866—1882): Կուլտուրական բնագավառում այս կաթողիկոսի գործունեության մեջ հայտնի է տպարանի բարեկարգումը, Ճեմարանի և թանգարանի հիմնադրումը, հայ եկեղեցական երաժշտության կարգավորման և շարականների ձայնագրության և տպագրության համար գործ դրած ջանքերը...»³⁸:

Գևորգ Դ-ը տպարանը օժտում է տպագրական նոր մեքենաներով և տառերով: Նա իր 1868 թվականի մարտի 26-ի կոնդակում գրում է «...Յայց ելանել մեր յայնկոյս Կովկասու, եղեալ սիրելի ազգի մերում, որ ի Տարիկեան նահանգս, վասն կարի հարկաւորութեան տպարանի աթոռոյս բերաք ի նալիպեան տպարանէ զվիշտասան տեսակ տառս, նոյնպէս և ծաղիկս ըստ յարմարութեան տառից նոցին որք առ ժամանակեաց տպագրութեան կարեն ձեռնտու լինել այժմեան տպագրեալ հեղինակութեանց և լրագրաց, որոց ցուցակն ընդ սմին առաքեալ ի Սինօղն պատուիրեմք յանձնել վերատեսչի յիշեալ տպագրատան, զի զամենայն տեսակն տառից և ծաղկանց ստացեալ զգուշութեամբ ի գործ ածցեն մինչ ցատացումն բովանդակ տեսակաց նոցին...»³⁹:

Մայր Աթոռի տպարանի աշխատանքների վերակառուցման հետ միասին Գևորգ Դ-ը մտածում է կրոնական մի պաշտոնաթիւրի հրատարակելու մասին: 1868 թվականի մա-

37 Գարեգին Լևոնյան, «Հայ գիրքը և տպագրության արվեստը», Երևան, 1958 թ., էջ 216:

38 Նույն տեղում:

39 Հայկական ՍՍՌ Պետական մատենադարան, Արխիվ Գարեգին արքեպիսկոպոս Հովսեփյանի, Բրդ. թապանակ 84, վավերագիր 1, էջ 89:

յիսի 1-ից Գևորգ Դ-ի ջանքերով ու կարգադրությամբ լույս է տեսնում «Արարատ» ամսագիրը, որպես Մայր Աթոռի պաշտոնաթերթ: «Արարատ»-ի հրատարակությունը Մայր Աթոռում մշակութային կարևոր երեւելի էր հայ ժողովրդի ազգային-եկեղեցական կյանքում: «Արարատ» ամսագիրը լույս է տեսել 1868 թվականից մինչև 1919 թվականը:

Տպարանը կարգավորելուց հետո, Գևորգ Դ-ը Կոստանդնուպոլսից հրավիրում է Նշան Պերպերյանին և Թիֆլիսից՝ Ղազարոս Աղայանին, որպես տպարանի գործում մասնակետներ:

Աղայանը գալիս է էջմիածին. «Հասնելու մյուս օրը Վեհափառը ընդունեց ինձ, օրհնեց և պատվիրեց, որ գրեմ Պետերբուրգ՝ այնտեղից ստանալիք կարևոր պարագաների մասին...»⁴⁰:

Հայ նշանավոր վիպասանը Գևորգ Դ-ի օրով մեծ դեր է կատարել Ս. էջմիածնի տպարանի բարեկարգման գործում, ինչպես նաև «Արարատ»-ում, որպես երկրորդ խմբագրող Արեւ արքեպիսկոպոս Մխիթարյանից հետո. «Մեկ օր Մանկունին մի թուղթ բերավ Սինոդից և խոնջիկ-մոնջիկ գայով՝ ասաց. «Իշտե, մարդա (խոսքը Գևորգ Դ-ի մասին է—Վ. Վ.) ձեզի խմբագիր ըրած է, «Արարատ»-ի երկրորդ տարին դուք պիտի սկսիք...»: Նոր «Արարատ»-ը սկսեցի ես անպատրաստից և ինձ համար անակնկալ կերպով»⁴¹:

Մայր Աթոռի տպարանի կազմակերպման, ծաղկման և այն հրատարակչական լավագույն տեխնիկայով օժտելու հարցում Գևորգ Դ-ին իրենց բարեբարություններով և խորհուրդներով օգնում են Կ. Նյուանը, Մ. Սանասարյանը, Մկրտիչ Տեր-Մկրտչյանը և Հովհաննյանը:

Սանասարյանը 1868 թվականին Վիեննայից ապսպրում է Մայր Աթոռի տպարանի համար պղնձյա մայրեր: Կաթողիկոսը, երբ ստանում է Սանասարյանի ուղարկածները, նրան գրում է հետևյալը. «Հասին ի ձեռս մեր խոստացեալք ի Ձէնք, զեղեցկացեալ մայրք հայկական տառից... բերկրեցոյց զմեզ կարի, զի կարօտութիւն մեծ էր վայելչահա տառից ի տպարանիս մերում: Միրելութիւն Ձեր փոյթ յանձն կալցի ըստ բնատուր ազգասիրութեան իրում նաև զխոստացեալ Ձեր պարագայս տպարանի ուղղել առ մեզ կարելին փութով ի յիշատակ պատուական անուան Ձերոյ, որպէսզի մարդասցուք զտպագրութիւն «Արարատ» լրա-

⁴⁰ Ղազարոս Աղայան, «Իմ կյանքից», Երևան, 1956 թ., էջ 115:

⁴¹ Նույն տեղում, էջ 117:




1862 թվականի ՀԱՄԱՐԱՐԱՆՈՒԹՅԱՆ
ՏԻՏԳՈՍԱԹԻՐՈՐԸ

գրիս մերոյ բարութիւն և զհաճոյագոյնս գայն ընծայեցուցանել ազգային ընթերցանելեաց...»⁴²:

Մ. Սանասարյանը կատարում է Հայոց Հայրապետի կամքը և 1869 թվականին Եվրոպայից ապսպրել է տալիս Ս. էջմիածնի տպարանին անգլիական «Wood» ընկերության արտադրած արագաձուլ մեքենան 6×9 մեծությամբ, երկու տեսակ հալոցներով, մեկը հասարակ տառեր և մյուսը գանաղան աստիճանի և ձևերի գլխագրեր, ծաղկագրեր և ծաղիկներ ձուլելու համար: Կազմակերպչական այս և այլ աշխատանքների շնորհիվ Գևորգ Դ-ի օրով Մայր Աթոռի տպարանը հանդիսացավ Անդրկովկասում առաջնակարգ տպարաններից մեկը: Տպարանի բարվոք և արդյունավետ գործունեությունը ապահովելու համար Գևորգ Դ-ը նշանակում է հինգ հոգուց բաղկացած տպարանի հանձնաժողով և կազմում է 9 կետերից բաղկացած մի ծրագրի կանոնադրություն՝ նրա բարվոք գործունեության համար:

⁴² Հայկական ՍՍՌ Պետական մատենադարան, Արխիվ Գրեգորի արքեպիսկոպոս Հովսեփյանի, էջ 91:



1865 ՔՎԱԿԱՆԻ «ՔՈՒՂՔ ԸՆԴՀԱՆՐԱԿԱՆ»-Ի
ՏԻՏՂՈՍԱԹԵՐԹՁ

Գևորգ Դ-ը Մայր Աթոռի տպարանի գործը կարգադրելուց հետո, մտածում է հրատարակությունների մասին:

Գևորգ Դ-ի օրով 1870-ական թվականներից Ս. Էջմիածնի Մայր Աթոռի տպարանից լույս են տեսնում, բացի «Արարատ»-ի հրատարակությունից, մոտ 30 անուն գրքեր, որոնց թվում և այնպիսի մեծագիր ու ծավալուն հրատարակություններ, ինչպիսիք են՝ Ճաշոցը (1872 թ.), Ձայնագրյալ շարականը (1875 թ.): Այս «Ազգաբանություն շալոց», «Ուխտանէս», «Ձայն բազմաց», «Սիմոն Ապարանցի», «Յանոսի Յաղագս պապին» (Թարգմ.), «Այրիվանք», «Դաւիթ բէկ» (գրաբար), «Հաքստհաուզեն», «Քնար Մշեցոց և Վանեցոց», «Պատմութիւն ժողովոց Հայաստանեայց Եկեղեցոյ», «Պատմութիւն խաչակրութեան», «Ողբերկութեան շարական», «Վաղարշապատ՝ քաղաքամայր Հայաստանի», «Վաթուղիկ Մայր Եկեղեցին», «Ջամբուռ», «Գեղարքունիք», «Պատմութիւն Սասանեան տէրութեան», «Նիկիոյ եպիսկոպոս» և այլն: Տպագրվել են նաև հայոց լեզվի և երաժշտության ձեռնարկներ: 1880 թվականին Մայր Աթոռի տպարանից լույս է տեսնում նաև Մխիթար Գոշի «Դատաստապ»:

նագիրք»-ը Վահան վարդապետ Բաստամյանի առաջաբանով և խմբագրությամբ⁴³:

Այսպիսով Գևորգ Դ կաթողիկոսի օրով Ս. Էջմիածնում սկսվում է լուսավորական-կրթական եռուն գործունեության մի նոր շրջան՝ Մայր Աթոռի ճեմարանի բացումով, տպարանական գործունեության ընդարձակմամբ և գիտակից, բազմակողմանիորեն զարգացած, պատրաստված Ս. Էջմիածնի նոր միաբանությամբ:

Գևորգ Դ մեծագործ կաթողիկոսի հաջորդ նոր-Նախիջևանի և Բասարաբայի առաջնորդ Մակար կաթողիկոսի օրով տպարանը շարունակում է իր արդյունավետ գործունեությունը: Նորընտիր կաթողիկոսը մտածում է Ս. Էջմիածնում տպարանի նոր շենք կառուցելու մասին: Դեռևս Մատթեոս Ա կաթողիկոսի օրից սեղանի վրա էր տպարանի նոր շենքի կառուցման հարցը:

Վաղարշապատի հին շուկայի տեղը (հիմակվա նոր Վեհարանի և Գործադիր կոմիտեի շենքի միջև ընկած տարածություն վրա), Մատթեոս Ա-ը տպարանի նոր շենքի հիմքն էլ օրհնեց, բայց մահը խանդարեց նրան:

Մակար կաթողիկոսի օրով մանավանդ զգացվում է տպարանի նոր շենքի շինություն կարիքը. «Նոր տպարանի հիմնարկներ ծագում առավ Սասունում շինի տպագրության պետքը զգացուցին, դի Հայ Աթոռի մը հսկողության ներքև հրատարակված ամբողջ Աստվածաշունչ մը չկար Հայ Եկեղեցւոյ պաշտոնեից և զավակադ ձեռք Սակայն Էջմիածնի տպարանը հին վարժարանի խարխուլ շենքին մեջ գետնեղված էր, և ձեռաց մամուլներով միայն կգործեր, և արագատիպ մամուլի հաստատուն շենք անհրաժեշտ էր: Այսպես ծագեցավ ի հիմանց հաստատուն տպարան մը շինելու հարցը, որ հիմնվեցավ վաճառքի բակին դուրս, յենքն այ ավարտեցավ 1889 թվականի հոկտեմբերին, և բոլոր տպարանական պետքերու համապատասխանող հաստատություն մը եղավ»⁴⁴:

Տպարանի նոր շենքի կառուցումը վերջանում է 1899 թվականին և տպարանը տնտեսապես վերջնականապես տեղափոխվում է նոր շենքը, որի մասին «Արարատ»-ը հետևյալն է հաղորդում. «Մայր Աթոռույ նոր տպարանը շինվում է Տաճարի արևելյան կողմում, նորա արտաքին և ներքին պարիսպների միջավայրում, ճեմարանի մոտ. սա արդեն մոտ է վերջանալու. նորա

⁴³ Գաբրիել Առնյան, հիշված աշխատությունը, էջ 217:

⁴⁴ Մաղաթիւ աղբյուրներ Օրմանյան, «Ազգապատմ», հատ. Գ, Երևան, 1937 թ., էջ 4635:

հիմնական պատերի վրա այժմ ձգվում են նորա կամարները: Ամբողջ շինությունը քարովրյա է, հիմքը մի սաժենից ավելի գետնի խորության մեջ ամրացած. նորա մեծադիր երկու գլխավոր մուտքերը և լուսամուտները դարձարված են գեղեցիկ ժաղկենկար փորվածքներով և զրվագներով: Շինության երկարությունը հյուսիսից հարավ 51 արշին մի քառորդ է, լայնությունը արևմուտքից արևելք 24 արշին մի քառորդ և բարձրությունը 11 արշին: Այս շինությունը պարունակում է իր մեջ.


ա) գրաշարանոց, բ) տպարան, գ) ընդթ թրջելու սենյակ, դ) ձուլարան, ե) սորա ամբարանոցը, զ) տպարանական ժողովուրդհրդարանն ու գրագրանոցը, է) գրադարան, ը) ընդարձակ նախագավիթը, որ արևմտյան մուտքից ձգվում է մինչև արևելյան մուտքը: Տպարանի մնացյալ շինությունները պետք է կառուցվեն նորա արևելյան բակում⁴⁵:

Խրիմյանի ժամանակ Մայր Աթոռի տպարանը ավելի է առաջադիմում, հարստանում նոր մեքենաներով:



1875 ԹՎԱԿԱՆԻ ՊԱՅՆԱԳՐԱՆ ԵԱՐԱԿԱՆԻ ՏԻՏՂՈՍԱԹԵՐԹԸ

45 «Արարա», 1889 թ., էջ 236:



ՄԻ ԷԶ 1875 ԹՎԱԿԱՆԻ ՊԱՅՆԱԳՐԱՆ ԵԱՐԱԿԱՆԻՑ

Վասպուրականի Արծիվը մտածում է Մայր Աթոռի տպարանից Աստվածաշունչը լույս ընծայելու շնորհակալ, բայց շատ դժվար և պատասխանատու գործի մասին: Նա այդ ուղղությամբ դիմում է նաև գործնական քայլերի, նախապատրաստական աշխատանքների:

Հայրիկը մտածում է Մայր Աթոռի մատենադարանում գտնվող բազմաթիվ ձեռագրերի համեմատությամբ կատարել Աստվածաշնչի հրատարակությունը: Ձեռագրերի համեմատությունը հանձնվում է Ճեմարանի դասախոս Կարապետ վարդապետ Տեր-Մկրտչյանին, որը «Ամառվա սկզբից գործի ձեռնարկելով և Ճեմարանի լսարանների աշակերտների օգնությամբ՝ բաղդատություններ կատարելով՝ Մայր Աթոռի 40-ի չափ ձեռագիր օրինակներից, ընտրեց Աստվածաշնչի 8—9 հիմնական ձեռագրերը, որոնք կարող էին արժեքավոր տարբերություններ ընծայել, և օգնական ունենալով Ճեմարանի ուսումնավարտ և պաշտոն ստացած 4—5 հոգու, մինչև ուսումնական տարվա վերջը համեմատեց Աստվածաշնչի համարյա կեսը...»⁴⁶:

46 Երվանդ Տեր-Մինասյան, «Կարապետ եպիսկոպոս Տեր-Մկրտչյան», Մոսկվա, 1911 թ., էջ 37:

թյունը, իսկ փորագրելը՝ Մկրտիչ եպիսկոպոս Շոտթեցին:

Տպարանի ձուլարանի աշխատանքները այդպես շարունակվեցին մինչև խորհրդային Հայրիկի օրերը, երբ նա կայացրեց բերել տվեց «Küstermani» տառեր ձուլող մեծ մեքենան:

Տպարանի կազմատոմը խորմյան Հայրիկի օրով հարստանում է արտասահմանից ստացված «Karikauseri»-ի կտրիչ մեծ մեքենայով: Ձեռք են բերվում ոսկեզօծելու մեծ և փոքր շափսի մեքենաներ: Գրաշարանոցը ևս հարստանում է օտար բոլոր լեզուների տառատեսակներով:

Այսպիսով Մայր Աթոռի տպարանը դառնում է իրապես Անդրկովկասում առաջին տպարաններից մեկը:

Խորմյան Հայրիկի օրով «...Տպագրության արտագրությունը որակով ավելի լավանում է, բայց քանակով չի կարողանում մրցել 70-ական թվականների հետ: Այս շրջանի հրատարակությունների մեջ խոշոր թիվ են կազմում դասագրքերը, զանազան ձեռնարկներ, կանոնադրություններ և այլն: Պատմական, բանասիրական և գրական արժեք ունեցող աշխատություններից հիշենք «Հայաստանեայց Եկեղեցու Պատմություն», «Անանիա Նարեկացի», «Ստեփանոս Իմաստասէր», «Վատիկանի հրովարտականի մասին», «Ուլկորովի Վեհափառ Հայրիկի», «Պարզ քարոզներ» (չորս գրքոյկ), «Համեմատություն Դավիթ Անյաղթի յոյն բնագրի հետ», «Սամուէլ Անեցի», «Պապիկ և թոռնիկ», «Յաճախապատում», «Բարգևաճառ գալառ», «Մատթէոս Ուսուցիչ», «Անանիա Շիրակացի», «Ազաթանգեղոսի աղբիւրներից», «Խորենացու պատմութեան ուսումնասիրությունը», «Դավիթ Հարքացի», «Առաքել Քոչիտլի», «Ա և Բ Մնացորդաց գրքերի նորագիտ հայ թարգմանությունը», «Նկարագիր Ս. Ստեփանոսի վանոց», «Աստուածաբանական գիտություններ», «Պարթևները Պարսկաստանում», «Գրիգոր խլաթեցի», «Մխի-

թար Սասնեցի», «Հայերը մարդաբանական և աշխարհագրության տեսակետից...»⁴⁸,

1895 թվականին Պետերբուրգում, երբ բացվեց տպագրական գործերի ցուցահանդես, Մայր Աթոռը ևս մասնակցեց ցուցահանդեսին իր տպարանից լույս ընծայված գրքերով: Մայր Աթոռի տպարանից դուրս եկած գրքերի համար հատկացվեց առանձին դարակ⁴⁹:

Խորմյան Հայրիկի օրով ընդարձակվում է նաև տպարանի շենքը: Մայր Աթոռի միաբան Ս. Սուքիաս արքեպիսկոպոս Պարզյանցի նվիրատվությամբ բարձրանում է նոր շենք տպարանի հարավային մասում, երկու ընդարձակ կամարակալ դահլիճներով և միջանցքով, ուր զետեղվում են տպագրական բոլոր մամուլները և գրաշարանոցը: Այդ դահլիճների ներքևի հարկում շինում են ցեմենտապատ ներքնատուն, թղթերի և այլ նյութերի համար:

Խորմյան Հայրիկի հաջորդների՝ Մատթեոս Բ-ի, Գևորգ Ե Սուրենյանի հայրապետության տարիներում Մայր Աթոռի տպարանը շարունակում է իր արդյունավետ գործերը: Հայ մշակույթի պատմության մեջ Մայր Աթոռի տպարանը, իր հարյուր հիսուն տարվա գոյության ընթացքում, կատարել է լուսավորական շնորհակալ աշխատանք:

1959 թվականի դարձան, նորին Ս. Օծուբյուն Ս. Տ: Վազգեն Ա ուսումնասիր և գրագետ Ամենայն Հայոց Կաթողիկոսի ազդեցին գործունեության շնորհիվ և ամերիկահայ մեր պատվական, հավատավոր ժողովրդի նվիրատվությամբ, որպես ամերիկահայության սրտագին նվեր Մայր Աթոռին՝ զնած տպագրական նոր տիպի մեքենաներով, նորից կվերաբացվի Մայր Աթոռի տպարանը, մեր օրերում էլ հայ եկեղեցական և հայ մշակույթի նվիրական գործին ծառայելու ազնիվ ցանկությամբ:

48 Գաբեգին Լևոնյան, հիշված աշխատությունը, էջ 219:

49 «Արարատ», 1895 թ., էջ 70:

